


40360.151

42132

22

興仁縣補志

二



興仁縣補志卷二

大事志 年紀二 自南北朝迄五代

南朝宋



武帝永初元年六月高祖受禪奄有晉土是時寧州領

郡十五建寧牂牁平蠻夜郎朱提南廣西平興古梁

水等郡屬之民國貴州通志

建寧太守領縣十三談橐漏江同竝毋單原註均漢舊縣漢屬

牂牁晉屬建寧味存駝同樂牧麻同瀨昆澤均漢舊縣漢志

瀨作銅瀨新定萬安新興均江左立牂牁太守領縣六萬壽晉武

帝且蘭漢志作故且蘭故毋歛漢晉樂丹南均江左立新

興仁縣補志 卷二

寧何徐不注置立平蠻太守領縣二平蠻漢均隸夜郎太

守領縣四夜郎談柏漢均屬牂牁廣談晉太康地談

樂江左立書州郡志宋

南齊

太祖高帝建元元年五月詔遣使分行四方以交寧道

遠不遣使齊紀

案宋書世祖本紀稱大明八年以蕭惠開督益寧

二州惠開至蜀欲廣樹經畧對賓僚及人士說收

牂牁越雋以為內地綏討蠻濮闢地徵租迨亦未

能見諸實際是牂牁越雋不附已久夜郎建寧又

尚在其西南朝命之不能及甚為顯然至齊謂交
寧道遠不遣使者飾詞耳意自晉咸和八年李成
陷寧州建寧牂牁二郡其降獨遲其後牂牁謝恕
更能保郡為晉歷宋齊梁陳至隋境日擴而勢日
盛越舊諸郡遂亦視倣又值中原多故朝廷第相
羈縻粗保無事足矣一切征役久已不問故有惠
開經畧之言自咸和至是百五十餘年嗣此又百
五十年而始至唐此邦於齊梁周隋仍若即若離
夷漢紀綱不復如蜀漢建制之密故雖唐代武功
能及西北而牂莊琰矩諸州旋置旋廢終不能脫

興仁縣補志

卷二

二

謝趙諸族之自領亦讀史者之宜參究也

世祖永明三年置東牂牁郡隸郢州

東牂牁郡領鎮六宜南平陽西平陽東新市西新市

南新市

齊書州郡志

永明三年戶口簿新置無屬縣志註時

談橐縣隸建平郡案建平即建寧改名治同樂縣今

雲南曲靖縣境內夜郎談指仍隸夜郎郡

齊書州郡志

案此時南中郡縣朝命已不能及說具見前故牂
牁郡史列為南牂牁郡領且蘭萬壽毋歛晉樂綏
寧丹南等六縣而又別有東牂牁蓋皆謝氏拓境
擅自增置觀唐代謝氏共有牂莊充矩應琰六州

而莊稱南謝應稱東謝殆即兩牂牁州所遞改唐書地理志稱牂牁武德三年以牂牁首領謝龍羽地置南蠻傳稱牂牁國兵數出侵地數千里通典稱牂牁巨帥惟謝氏舊臣中國代為本土牧守隋末大亂遂絕舊唐書南蠻傳又稱隋大業末龍羽據牂牁州近時又經考定牂牁州即漢晉之牂牁郡說具地亦可見郡之改州雖始於隋唐而自稱為牂牁國或尚不始於隋唐蓋謝氏以牂牁侵武陵東牂牁郡治宜縣蓋即廣西三江縣治明清所稱古宜鎮者也應即為漢武陵郡鐔成縣治之所在統詳萬大章貴州史地考宋齊間或已如是矣至夜郎談指

興仁縣補志

卷二

三

談橐之地唐代改置琰州稱為西謝此時或已併入牂牁國中齊書地理志雖有建平郡領談橐等縣夜郎郡領夜郎等縣之記載亦名存實亡耳茲並錄置東牂牁郡一條而附著其說備考又通鑑註稱稱齊州有二十三揚南徐豫南豫南兗北兗北徐青冀江廣交越荆巴郢司雍湘梁秦益寧也郡三百九十有寄者有新置者有俚部僚部荒部左郡無屬縣者有或荒無民戶者郡縣之建置雖多而名存實亡境蹙於宋大明之世矣亦可參證當日之兩牂牁郡及建平夜郎豈即所謂俚部僚

部荒部左郡之列耶

梁

高祖武帝天監九年夜郎內屬

民國貴州通志云南史陳伯之傳稱是年詔臨

川王宏北侵宏命丘遲與伯之書有當今皇帝聖明夜郎滇池解辯請職語是夜郎是時內屬矣

武帝奄有舊吳務恢境宇頻事經畧開拓闡越克復

淮浦平俚洞破牂牁又以舊州遐闊多有析置

隋書地理

志是時梁之境內有州二十三郡三百五十縣千二

十二是後州名浸多廢置離合不可勝紀魏朝亦然

通鑑

大同三年都督益寧梁等十三州諸軍事益州刺史蕭

興仁縣補志

卷二

四

紀開建寧越舊貢獻方物

天監十三年七月立皇子紀為武陵王

梁書本紀

月以紀為都督益寧梁等十三州諸軍事益州刺史

通鑑紀字世詢武帝第八子大同三年為都督益州刺

史以路遠固辭帝曰天下方亂惟益州可免故以處

汝汝其勉之紀歛歛既出復入帝曰汝嘗言我老我

猶再見汝還益州也紀在蜀開建寧

梁書作

越舊貢

方物十倍前人

南史民國貴州通志案梁書張緬傳天監時出為武陵太守弟纘大同

九年為使持節都督湘桂東寧三州諸軍事其述職

經途作南征賦中有南通珠崖夜郎西款玉京華墨

莫不內地然不自紀始開又南史稱益州刺史太尉

武陵王紀頗有武畧在蜀十七年南開寧州南史作
建寧越嶲西通資陵吐谷渾內修耕桑鹽鐵之政外
通商賈遠方之利故能殖其財用器甲殷積及聞國
難謂僚佐曰七官文士豈能匡濟既東下以黃金一
斤為餅百餅為籩銀五倍之其他錦罽采稱是每
戰則懸金帛以示將士終不賞賜寧州刺史陳智祖
請散金銀募勇士不聽慟哭而去通鑑梁書作死自
是人有離心莫肯為用而魏陷益州通鑑載在承聖
二年八月因寧州事有專
條不復泛及附識備考

十一年以徐文盛為寧州刺史

晉末以來刺寧州者宋武帝永初二年有應襲文帝
元嘉五年有周籍之九年有王天寶十五年有徐循
十九年有周萬歲三十年有桓閔世祖孝建元年有
尹懷順大明二年有杜叔文三年有符仲子四年有

興仁縣補志

卷二

五

費景緒五年有費伯宏明帝泰始六年有孔玉後廢
帝元徽二年有劉延祖五年有柳和齊武帝永明二
年有程法勤三年有董仲舒十年有郭安明海寧王
延興元年有李慶綜明帝建武二年有董巒梁武帝
天監十四年有任太洪績皆不著據宋書及南齊書本紀至是
徐文盛文盛字道茂彭城人世仕魏為將父慶之天
監初率千餘人歸欵未至道卒文盛仍統其眾稍立
功績高祖甚優寵之大同末持節督寧州刺史先是
州在邊遠所管羣蠻不識教義貪欲財賄劫篡相尋
前後刺史莫制齊高帝建元二年遣使分行四方亦

以道遠不遺及文盛至推心撫慰示以威德夷獠感
之風俗遂改梁書莫與傳貞定遺集云按隋書地
經畧開拓閩越既復淮浦平俚洞破牂牁又舊州
遐闊多所析置侯景構禍臺城淪陷墳籍散逸
記註無遺郡縣戶口不能詳究逮於陳氏土宇彌廢
威力所加不出荆揚之域據此是梁時所隸牂牁諸
郡較齊當尤有恢闊觀天監時有寧州刺史任太洪
見魏書梁書有寧州刺史徐文盛可見特籍記無徵
耳

太清元年湘東王繹以武陵郡置武州領武陵南陽夜

郎三郡

夜郎郡在沅陵郡辰溪縣境隋平陳乃廢據隋書地理志

案梁武經畧牂牁後夜郎建寧間事蹟可考者仍

興仁縣補志 卷二

少隋志夜郎郡竟在沅陵辰溪境內應是晉懷帝
初永嘉元年羅尚施置郡縣就民所在之例此夜
郎郡仍領夜郎一縣方輿紀要稱為梁置殆疑為
武帝經畧所創然竊以為李雄有南中後謝恕保
牂牁郡又領寧州刺史雖未必至州而就謝氏東
侵武陵以建東牂牁之事其進據夜郎當屬可能
或李漢以後據其地而復被壓東遷遂有僑據辰
溪之事其時或不始於梁陳也辰溪之夜郎至隋
雖廢而唐復建夜郎縣領於獎州後改名峩山縣
據考其治在今岑鞏縣境中興義府志謂辰陽僑

置之夜郎為湖南辰州地蓋未深考其去興仁已遠應不復錄惟僑治之蹟亦不容廢故並載備考

簡文帝大寶元年寧州刺史徐文盛入援京師爨氏族

據其地太清元年侯景圍臺城據通鑑二年文盛聞國

難乃召募得數萬人來赴世祖嘉之以為散騎常侍

左衛將軍督梁南秦沙東益巴北巴六州諸軍事授

以東討之畧於是文盛督衆東下會景密遣騎從間

道襲陷郢州軍中洵懼遂大潰文盛奔還荊州旋以

賊汚怨望下獄死書梁南寧自徐文盛被徵爨瓚遂竊

據一方隋書梁睿傳案睿傳又稱南寧近代分置興古雲南建寧朱提四郡是南寧乃分寧州

興仁縣補志

卷二

東南境置而夜郎即不屬然爨氏勢力所及應不為時政府所限耳爨本國名因為氏

族戰國時巴陵爨襄見魏策蜀漢建興三年諸葛亮

南征改益州為建寧以李恢為太守移南中勁卒為

五部分配大姓焦雍婁爨孟量毛李為部曲號五子

故南人言四姓五子即爨碑所云望標於四姓收其俊傑爨習為

官屬習官至領軍魏咸熙初建寧爨谷為交阯太守

爨谷卒後爨能等將兵今按爨能事見晉書霍弋領交州條李雄稱帝

建寧大姓爨薑爨深附之通鑑晉永興二年此劉宋

以前爨氏之所由強也陸耀通金石續編

陳

世祖文帝天嘉二年九月南寧州入貢於周

周保定元年即陳天嘉二年九月南寧州遣使獻滇馬及蜀

鎧周書

案周書孝閔帝元年即陳高祖永定元年益州總管于謙令

司錄賀若昂奉表詣闕昂還具陳京師事勢時楊堅專

政謙以世受國恩漸圖復興遂舉兵署官司所管

益潼新始龍昂青瀘戎寧汶陵遂合楚資眉普十

八州及嘉渝臨渠蓬隆通興武庸十州之人多從

之此時建寧等郡已別建南寧州應不復錄但此

時此方事蹟少附識於此備考

興仁縣補志

卷二

三年周保定二年十月周分南寧州置恭州周書

案方輿紀要稱廢恭州在曲靖府即今雲南東北

古朱提地也廢協州亦在府東北古夜郎地也唐

天寶末沒於蕃俱徙置戎州境內是夜郎殆不在

南寧領下而據實相據錄此備考

高宗宣帝大建十三年隋開皇元年隋益州總管梁睿請討

南寧

睿字特德安定烏氏人隋高祖總百揆代王謙為益

州總管行至漢川而謙反高祖命睿為行軍元帥率

步騎二十萬討之斬謙於市睿時威振西川夷獠歸

附唯南寧酋帥爨震恃遠不賓睿上疏曰竊以遠撫
長駕王者令圖易俗移風有國恒典南寧州漢世牂
牁之地近代以來分置興古雲南建寧朱提四郡戶
口殷衆金寶富饒二河有駿馬明珠益寧出鹽井犀
角晉泰始七年以益州曠遠分置寧州至偽梁南寧
州刺史徐文盛被湘東徵赴荊州屬東夏尚阻未遑
遠畧土民爨瓚遂竊據一方國家遙授刺史其子震
相承至今而震臣禮多虧貢賦不入每年奉獻不過
數十匹馬其處去益州路止一千朱提北境即與戎
州接界如聞彼人苦其苛政思被皇風伏維大丞相

興仁縣補志

卷二

九

匡贊聖朝寧濟區宇絕後光前方垂萬代關土服遠
今正其時幸因平蜀士衆不煩重興師旅押獠既訖
即請畧定南寧自盧戎以來軍糧須給過此即於蠻
夷徵稅以供兵馬其寧州朱提雲南西爨並置總管
州鎮計彼熟獠租調足供城防倉儲一則以肅蠻夷
二則裨益軍國今謹件南寧州郡縣及事意如別有
大都督杜神敬昔曾使彼具所諳練今并送往書未
答又請曰竊以柔遠能邇著自前經拓土開疆王者
所務南寧州漢代牂牁之郡其地沃壤多是漢人既
饒寶物又出名馬今若往取仍置州郡一則遠振威

名二則有益軍國其處與交廣相接路乃非遙漢代
開此本為討越之計伐陳之日復是一機以此商量
決謂須取高祖深納之然以天下初定恐民心不安
故未之許後竟遣史萬歲討平之并因睿之策也

後主長城公至德元年

隋開皇三年

隋以韋沖為南寧州總

督爨震爨既皆詣府降

沖字世沖周汾州刺史隋高祖踐祚徵為兼散騎常

侍歲餘出撫稽胡

時發南汾州胡築長城胡亡叛

尋拜石州刺史甚

得諸胡歡心以母憂去職俄而起為南寧州總管持
節撫慰沖上表固讓詔曰西南夷裔屢有生梗每相

興仁縣補志

卷二

十

殘賊朕甚愍之已命戎徒清撫邊服以開府器幹堪
濟識畧英遠軍旅事重故以相任知在艱疚日月未
多金革奪情蓋有通式宜自抑割即膺往旨沖既至
南寧渠帥爨震及西爨首領皆詣府參謁上大悅下
詔褒揚之其兄子伯仁隨沖在府掠人之妻士卒縱
暴邊人失望上聞而大怒令蜀王秀治其事益州長
史元巖性方正案沖無所寬貸沖竟坐免

隋書

隋

大業末謝龍羽據牂牁

牂牁巨帥惟謝氏舊臣中國代為本土牧守隋末大

亂遂絕

通典牂牁蠻其地北去充州本作充州依地理志及元和郡縣志

改一百五十里西至昆明九百里無城壁散為部落

而居其首領謝龍羽大業末據其地勝兵數萬人唐舊

書南蠻傳

案謝龍羽至唐初朝貢授牂牁刺史州治在今甯

安東北三十五里之猴場舊唐書傳所稱北去充

州百五十里西至昆明九百里者也而新書傳稱

昆明東九百里即牂牁國兵數出侵地數千里與

舊書甚同但以牂牁國名是知國治雖在牂州而

統治數千里之地蓋包唐代謝氏分據之牂莊充

興仁縣備志

卷二

應矩談六州而言充談等州又稱牂牁別部也充

以牂牁別部見唐書地理志興仁之地在唐代琰州境內隋時

入牂牁國已無可疑至文帝開皇九年廢辰陽之

夜郎郡置靜人縣雖與梁置郡有關此時則無復

可紀隋志有開皇初置牂州領牂牁賓化二縣之

文據考隋牂州即唐牂州仍應納入牂牁國內但

州小國大不當以牂州該及夜郎且照隋虛有州

名與宋齊之沿舊紀載者無異故不復言

唐

高祖武德三年八月丁酉南寧西蠻蠻遣使入貢

康州貴州

志通

武德元年開南中置南寧州舊唐書地理志因故同樂縣置

治味新唐志初隋末蠻酋爨瓠反誅諸子沒為官奴棄

其地帝即位以翫子弘達為昆州刺史令持其父尸

歸葬益州刺史段綸因遣使招諭其部落皆來降通鑑

案通鑑又稱武德元年唐王既克長安以書諭諸

郡縣於是東自商洛南盡巴蜀郡縣長吏及盜賊

渠帥氏羌酋長爭遣子弟入見請降今南寧入貢

在三年而元年先已置州豈爨氏子弟固曾於元

年隨巴蜀長吏一度入見請降邪史文不備附識

興仁縣補志

卷二

十二

備考

四年十二月舊州治中吉弘緯使南寧諭昆彌遣使內

附

爨蠻西有昆明蠻一曰昆彌以西洱河為境即葉榆

河也武德中舊州治中吉少弘緯使南寧因至其國

諭使入朝貢求內屬發兵戍守自是歲與牂牁使偕

來新唐書南蠻傳

七年命韋仁壽檢校南寧州都督

仁壽性寬厚有識度初為蜀郡司法書佐所論囚至

市猶西向為仁壽禮佛然後死時西南夷內附朝廷

遣使撫之類皆貪縱遠民患之上聞仁壽名命檢校南寧州都督仁壽既受命將兵五百人至西洱河周歷數千里蠻夷望風歸附仁壽承制置七州十五縣各以其豪帥為刺史縣令法令清肅蠻夷悅服各遣子弟入貢

通鑑輯覽

案興仁此時或在仁壽所督七州十五縣中惟州縣之名亦不可復考矣

開置西平州

武德七年開置西平州屬戎州都督府

太平寰宇記

案西平復改盤州領附唐平夷盤水三縣容後詳

十三

興仁縣補志

卷二

述

太宗貞觀三年西趙及夷子遣使來朝

西趙蠻在東謝之南其界東至夷子西至昆明南至西洱河山洞阻深莫知道里南北十八日行東西二十三日行其風俗物產與東謝同首領趙氏世為酋長有戶萬餘貞觀三年遣使入朝

新唐書

案貞觀十三年通鑑載有侯弘仁自牂牁開道經西趙出邕州以通交桂一事又註云東謝蠻西接牂牁蠻南接西趙蠻牂牁之別帥曰羅殿今廣西買馬路自桂州至邕州橫山寨二十餘程自橫山

至杞國二十二程又至羅殿十程此即侯弘仁所
通者也又引蘇軾曰西洱河即牂牁江均足與舊
書南蠻傳相證東謝唐置應州其地在今獨山縣
以東牂牁唐置牂州在今平越縣以北夷子貴陽
安順兩志謂在都勻南丹間而鄒漢勳謂叙州西
南大定興義泗城諸府州皆昆明夷所居通鑑注
所稱牂牁之別帥羅殿應即明一統志稱在省南
一百五十里之羅番遏蠻軍元史稱以羅阿資為
羅甸國遏蠻軍安撫使者也羅番在今惠水縣境
內侯弘仁開道南出邕州之橫山寨廣西通志稱

興仁縣補志

卷二

十四

在宣化縣

即今廣西南寧縣

北至牂牁則應是甕安之猴

場亦可考知興義府志謂貞豐有珉球石即後此
以西趙地置明州之界石亦可相證然則興仁應
在貞豐西或已無西趙地惟竊疑唐代州郡多依
漢晉以來之縣治而設琰州應設於夜郎盤州或
設於琰橐明州亦疑即琰指設治則興仁東境在
唐或仍隸於西趙之明州至唐西洱河有二方輿
紀要謂在大理府東形如人耳者蓋為南詔蠻傳
所稱崔佐時盟閣勸於點蒼山以盟書之一沈於
西洱河者通鑑注引蘇軾說為牂牁江而仍辭連

南詔且有形如同抱珥之說遂生疑誤唐書稱西
趙南北十八日行東西二十三日行說者亦致疑
於其境之西達大理均不足采要知唐時此間之
交通不便繞越山水程途良多而西趙之境應不
出今貞豐羅甸惠水貴筑諸縣間自應以南至西
洱河一語斷其南境為今之南盤即所謂古牂牁
江也又西趙改置明州見後鄒漢勳貴陽苗蠻傳
叙有貞觀二年明州山獠反交州都督李道彥擊
走之云云諒必有據今西趙來朝在前事後一年
豈因道彥擊敗而遂迫之入朝邪附識備考

興仁縣補志

卷二

十五

四年置琰州

琰州貞觀四年置縣五武侯望江應江始安東南浙本
元豐九域志作來南貞觀中又領隆一作降昆琰川二縣後省唐新
書地理志

案琰川蓋以夜郎縣地置說具縣志疆域沿革篇

八年改西平州為盤州

唐書地理志

盤州下武德七年開置西平州貞觀八年改為盤州
領縣三與州同置附庸方輿紀要平夷盤水即舊興

古郡也在京師西南五千三十里北接郎州南接交

州隸於戎州都督府

舊唐書地理志

案方輿紀要稱附唐縣即黃草壩即今之興平夷
在善安州西百二十里即今雲南平夷所盤水在今善安
州東盤江上今興仁縣應有盤水縣地

十一年黔州兼督琰州

唐初改郡為州太守並稱刺史其緣邊鎮守及襟帶
之地置總管府以統軍戎武德七年改總管府為都
督府唐書黔州本漢涪陵縣地彭在今四川漢獻帝時分
為四縣置屬國都尉至蜀先主又增置一縣改為涪
陵郡晉永嘉後地沒蠻夷經二百五十六年至宇文
周保定四年涪陵蠻帥田恩鶴內附因置奉州建德

興仁縣補志

卷二

三年改為黔州隋開皇十三年置彭水縣治州郭大

業三年改州為黔安郡秦黔中郡治在今湖南沅陵

峻嶺犬牙難辨唐復為黔州地理志貞觀四年於黔州置都督

府總務施業辰智祥充舊應莊九州元和圖志至是改督

思辰施牢費夷巫應播充莊祥琰池矩十五州舊唐志

十三年渝州人侯弘仁自祥柯開道經西趙出邕州以

通交桂蠻俚降者二萬八千餘戶通鑑

二十一年十二月壬申西趙酋長趙磨帥萬餘戶內附

以其地為明州通鑑

貞觀中西趙酋領趙酋摩率部萬餘戶內附以其地

為明州授酋摩刺史

新唐書南蠻傳

永徽元年十二月琰州獠寇邊梓州都督謝萬歲死之

新唐書本紀

永徽元年十二月庚午梓州都督謝萬歲兗州都督

謝法興與黔州都督李孟嘗討琰州叛獠萬歲法興

入洞招慰為獠所殺

通鑑

案胡三省通鑑注謂梓州當作牂州兗州當作充

州黔史謂梓州當作莊州兗州都督當作兗州刺

史以牂充均無都督也然考莊州都督舊唐志雖

有貞觀十一年已設之說而民國新修通志考定

興仁縣補志

卷二

十七

以寰宇記載之聖曆元年始設為當說詳下引然

則此時亦尚無莊州都督惟唐書地理志序稱唐

初改郡為州武德七年改總管府為都督府豈牂

州兗州固嘗以緣邊置督而黔史所謂莊州為蠻

府都督者仍非無據邪姑存舊文備考

三年秋七月乙丑郎昆梨盤四州酋長王伽衝等率衆

內附通鑑

案郎州係貞觀八年以南寧州改置昆梨二州亦

鄰接郎州者也附識備考

麟德二年四月丙午曲赦桂廣黔三都督府管內大辟

罪以上舊唐紀

總章二年始定黔中等州縣官以土人補授康熙貴州通志

定銓注法其黔中嶺南閩中州縣官不由吏部委都

督選擇土人補授唐紀

上元三年八月壬寅本紀仍書上元三年因是置南選

使簡補廣交黔等州官吏舊唐紀

八月壬寅勅桂廣交黔等都督府比來注擬土人簡

擇未精自今每四年遣五品以上清正官充使仍令

御史同往注擬時人謂之南選通鑑

聖曆元年罷黔州都督府以莊州為都督府太平寰宇記

興仁縣補志

卷二

貴州通志云考舊唐地志貞觀十一年黔州都督思辰

等十五年州下續云其年罷都督府置莊州都督景龍

七年廢按貞觀十一年丁酉至景龍四年庚戌計

四年庚戌至先天二年癸丑計四年復以黔州為

都督新唐書地志莊州下云貞觀十一年置都督府

景龍二年罷太平寰宇記黔州下云聖曆元年按

是年戊戌在貞觀十一年後六十二年聖曆元年

督府以莊州為都督府景龍四年按聖曆元年

此十三年又罷莊州以播州為都督府先天二年

復以黔州為都督府諸說至為紛歧而廢黔置莊之

年唐書與太平寰宇記相差至六十餘年之久果唐

書為無誤則貞觀十一年以後之事即應不再書黔

州都督然考史載永徽元年李孟嘗之討瑤州叛獠

顯慶元年李子和之討平矩州謝無靈永淳元年謝

祐逼零陵王自殺黔府官坐免皆作黔不作莊安

順府志引貴州紀年云永徽初有黔州都督府有莊

州都督府而莊州為蠻府都督說無據今特依太

平寰宇記以罷黔州置督祇十四年都督事移書於

年如則莊州置督祇十四年都督事移書於聖曆元

中宗景龍二年又罷莊州都督府復以播州為都督府

元和志 景龍四年 道義府志 通志云案廢莊置播舊唐書作

唐書考景龍無四年依元和志

案莊州治石牛縣殆即今獨山縣治漢毋斂縣治之所在也

玄宗先天二年罷播州都督府復以黔中為都督府元和志

案播州治遵義縣遵義府志謂在今綏陽界中

開元中降琰及牂莊二州為羈縻州

唐興初未暇於四夷自太宗平突厥西北諸蕃及蠻

興仁縣補志

卷二

夷稍稍內屬即其部落列置州縣其大者為都督府

以其首領為都督刺史皆得世襲雖貢賦版籍多不

上戶部然聲教所暨皆邊州都督都護所領著於令

式蠻隸江南道黔州都督府者為州五十一曰牂曰

琰曰莊曰充曰應曰矩釋皆前見曰明貞豐縣在今曰蕪詳未

曰勞州治在今荔波縣東南曰義九域志作義州治

曰福省在今廣西曰捷縣在今大定曰邗州治在今都勻

曰清州治在今貴陽清場曰莪州治在今荔波曰蠻州

在開陽縣曰蘇州治在今黎平縣曰濡曰琳曰鸞曰雙

城曰稜曰延曰懸曰撫水曰思源曰那俱在今廣西曰

令九域志作今在曰晃省在界中湖南曰總曰殷曰鴻俱在

今四川曰姜曰敦俱在界中雲曰暉縣在今北境曰都今在

大定縣南應依曰候曰樊並在黎平曰添縣在今鎮遠

曰普寧縣在今安順曰功縣在東北曰亮即今黎平縣

寨曰茂龍即今隆西曰訓縣在今盤曰卿即今丹寨曰

逸曰整俱在都勻曰南平舟縣今平曰勳即今大塘縣

曰襲九域志作襲即曰寶縣在今大定初牂瑁莊充應

矩六州皆為下州至是降牂瑁莊三州為羈縻其後

天寶三載又降充應矩三州為羈縻始為五十一羈

縻之制亦稱之諸蠻州而開元二十一年分江南道

興仁縣補志

卷二

置黔中道後諸蠻州並隨黔府改隸焉唐書地理志

二十一年分天下為十五道設黔中道置黔中採訪使

治黔州通鑑

唐初以隋季喪亂羣盜初附權置州郡倍於開皇大

業之間貞觀元年悉令併省始依山河形勢分天下

為十道景雲二年分天下郡縣置二十四都督府以

統之議者以權重不便尋罷之至是分天下為十五

道於江南道增置黔中道設採訪使檢察非法如漢

刺史之職唐書地理志

二十六年於黔中置採訪處置使又隸五溪諸州入黔

中道仍加置經畧使元和郡縣志

是年於邊境置節度經畧使式遏四夷唐書地理志又改

黔中為採訪處置使二使皆以都督渾瑊為之元和郡縣志

志元和郡縣志云黔州通志云案遵義府志按云本書一指

也志元和郡縣志云黔州通志云案遵義府志按云本書一指

採訪使元和改黔州則詳考察使乃肅宗乾元元年停

前一此特加處置之為一年設黔中道時所置一見

訪使屬黔中道僅管五溪諸州不能如採也

天寶元年改黔州為黔中郡改州為郡刺史依舊督施夷

播思費珍溱商九州按連黔始有九州又此時尚有

興仁縣補志

卷二

未故知又領充明勞義福建新志邦邦瑛清莊峨蠻祥

鼓嶽儒濡琳鸞令那暉郝都總敦侯候免冕柯契樊

稜添普寧功亮筏龍茂龍延訓鄉卿雙雙城整懸撫

次水撫水矩思源逸殷南平勳姜龍襲小等五十州

新唐書無牂州作五十一州皆羈縻寄治山谷舊唐

案是各州皆改為郡而琰莊諸州無郡名蓋自開

元中州降羈縻固已視同化外矣

九載南詔閣羅鳳反取夷州三十二縣通鑑民國貴

注云夷州謂西南夷附化羈縻州也石阡府志師旅

殊誤

十載授趙國珍為黔中都督

民國貴州通志

趙國珍牂牁之苗裔也

通鑑注云國珍牂牁別部天充州蠻酋趙君道之裔

寶中以軍功累遷黔府都督兼本管經畧等使時南蠻閣羅鳳叛宰臣楊國忠兼劍南節度使遙制其務屢喪師徙中書舍人張漸薦國珍有武畧習知南方地形國忠遂奏用之在五溪凡十餘年中原興師唯黔中封境無虞代宗踐祚特嘉之召拜工部尚書大曆三年九月以疾終贈太子太傅舊唐書開元中牂牁以趙氏為酋長其裔趙國珍天寶中有戰功閣羅鳳叛以國珍有方畧授黔中都督屢敗南詔護五溪十

興仁縣補志

卷二

二十二

餘年天下方亂其部獨寧終工部尚書

新唐書

案舊唐書南蠻傳稱牂牁蠻西至昆明九百里其首領為謝龍羽說已具前開元十年閏五月大酋長謝元齊死詔立其嫡孫嘉藝襲其官封二十五年大酋長趙君道來朝且獻方物而新唐書稱開元中牂牁酋長元齊死孫嘉藝襲官封其後乃以趙氏為酋長又此後牂牁謝氏朝貢仍史不絕書寶曆元年遣使謝良震來朝僅其一例別無趙氏纂謝之迹然則謝趙之於牂牁殆合一而不可分所不可知者牂牁趙氏與西趙是一是二耳

十五載正月甲子南陽節度使魯炅率嶺南黔中山南東道兵禦安祿山

按新唐書帝紀

五月以號王巨為河南節

度使兼統嶺南黔中南陽三節度兵救南陽

安祿山反魯炅於帝前畫攻守勢遷南陽太守兼守

捉防禦使以嶺南黔中山南東道子弟五萬屯滢水

南賊將武令珣畢思琛等擊之舉眾沒賊時嶺南節

度使何履光黔中節度使趙國珍未至子弟半在軍

挾金為資糧至是遇賊皆棄之賊資以富五月丁巳

炅眾潰走保南陽賊就圍之太常卿張洎薦夷陵太

守號王巨有勇畧以巨為陳留譙郡太守河南節度

興仁縣補志

卷二

使兼統嶺南節度使何履光黔中節度使趙國珍南

陽節度使魯炅國珍本牂牁夷也戊辰巨引兵自藍

田出趣南陽賊聞之解圍走

通鑑

肅宗至德元年

即天寶十五年七月丁卯上皇制以

月太子即位改元

永王璘充山南東道嶺南黔中江南西道節度都使

通鑑

天寶十五載六月玄宗幸蜀至漢中郡下詔以永王

璘為山南東路及嶺南黔中江南西路四道節度採

訪等使江陵郡大都督餘如故

舊唐書

升五溪經畧使為黔中節度使領黔中諸郡

通鑑國貴州

通民

志云案通鑑注云唐末始於黔州置節鎮疑此時趙國珍未得建節至明年通鑑書置黔中節度必有所據考唐書職官志云至德之後中原用兵大將為刺史者兼治軍旅遂依天寶邊將故事加節度使之號連制數郡國珍於天寶中已授黔中節度使兼本管經畧等使此時統軍在外隨例建節並無可疑惟通鑑叙述黔中節度使事已兩見至德元年七月始書升五溪經畧使為黔中節度使先後稍欠檢耳又云案康熙貴州通志此條下有以趙國珍為之一語蓋此時國珍統兵隨號王巨備賊南陽一帶依邊將故事兼領節鎮然自此以後迄昭宗大順元年賜黔州觀察使號武泰軍節度中問百有餘年無有稱節度者國珍之建節或係因人而設歟

乾元元年復以黔中郡為黔州都督府唐書地理志

時諸郡復改為州同上

上元二年以嶺南五管黔中都督府得即任土人為官

興仁縣補志

卷二

唐書選舉志 民國貴州通志云案總章二年已定黔中等州縣官得以土人補授此或申命歟

代宗永泰元年黔中觀察使趙國珍入朝民國貴州通志

國珍為嗣徐王延年婚請以延年子前施州刺史諷

為嗣因封嗣徐王舊唐書 民國通志云案趙國珍

使按肅宗乾元元年制停採訪使改黔中使兼職無節

使又觀察使位亞於節度使後為節度使兼職無節

大曆三年九月丁亥工部尚書趙國珍卒舊唐書本紀

七年十二月牂牁等國並遣使朝貢舊唐書本紀

案牂貢獻自開元中降牂莊琰三州為羈縻州後

二十五年即有大酋長趙君道及天寶八載之二

次其時各州事蹟尚覺分明不宜以別州牽及琰州也此後所言牂牁似較廣遠又有等國字自應專載

十二年置黔州經畧招討觀察使

方鎮表

自肅宗至德之後中原用兵刺史皆治軍戎遂有防禦團練制置之名要衝大郡皆有節度之類寇盜稍息則易以觀察之號黔州觀察使治黔州

新唐書地理志先

是大曆四年置辰溪巫錦業五州都團練守捉觀察處置使治辰州

方鎮表

十年奉制却隸黔府至是乃合

置黔州經畧招討觀察使

據元和郡縣志

二十五

興仁縣補志

卷二

德宗貞元三年南詔遣使道牂牁入朝

按貞元冊封南詔紀畧

昆明牂牁本使臣蔡襲嘗奏請分布軍馬從黔府路入又言蠻王蒙異牟尋積代唐臣徧霑皇化天寶年中其祖閣羅鳳被邊將張乾陀讒搆部落驚懼遂違聖化北向歸投吐蕃贊普以贊普年少信任讒佞欲併其國蒙尋遠懷聖化北向請命故遣和使乞釋前罪願與部落竭誠歸附緣道遐阻伏恐和使不達故三道一道出石山從戎州路入一道出牂牁從黔府路入一道出夷獠從安南路入

蠻書

六年三月戊午牂牁蠻來朝

舊唐書本紀

七年二月授牂牁

酋長趙主俗官

舊唐書南蠻傳

七年二月授牂牁酋長趙主俗官以其歲初朝貢不絕褒之也自七年至十八年凡五遣使來朝舊唐書南蠻傳

案舊唐書本紀又有八年十二月甲戌牂牁蠻遣使朝貢一條而南蠻傳稱貞元十三年正月西南番大酋長正議大夫檢校蠻州長史繼襲蠻州刺史資陽郡開國公賜紫金魚袋宋鼎左右大首領朝散大夫前檢校邛州刺史賜紫金魚袋謝汕左右大首領繼襲蠻州巴江縣令賜紫金魚袋宋萬傳界首子弟大首領朝散大夫牂州錄事參軍謝

興仁縣補志

卷二

文經

疑有

黔中經畧招討觀察使王礎奏前件刺

史建中三年一度朝貢自後更不許隨例入朝今年懇訴稱州接牂牁同被聲教獨此排擯竊自慙耻謹遣隨牂牁等朝賀伏乞特賜優諭兼同牂牁刺史授官其牂牁兩州按此文似有脫誤應指宋鼎等蠻州而言蓋謂該蠻州等殷盛强大與牂牁相同望比牂牁一例待遇耳乃云牂牁兩州不可解矣寰宇記牂牁蠻兩州亦未戶口殷盛人力强大鄰側諸番悉皆敬憚請比兩州每年一度朝貢仍依牂牁輪環差定並以才幹位望為象推者充勅旨曰宋鼎等已改官訖餘依舊等語是牂牁每年一貢書不勝書嗣此均

應從畧而凡書入貢之國皆此間州國較大者亦

可知矣

新唐書於此作建中三年大酋長檢校蠻州長史資陽郡公宋鼎與諸謝朝賀德宗

以其國小不許許於黔中觀察使王礎以州接牂牁願隨牂牁朝賀礎奏牂蠻二州戶繁力強為鄰

番所憚請許三年一朝蠻傳所載出入至巨考建中云此事新舊唐書南蠻傳

三年元全柔為黔中觀察使貞元十一年王礎始為黔中觀察新傳乃以王礎奏請屬於建中三年

已誤舊傳明云前件不許一貞元十一年朝貢

鼎於王礎相距已十六年矣一舊傳一勅旨曰宋鼎已改官訖餘依舊一係依舊不許入朝也新傳

乃云詔從之今依舊傳

十八年十二月戊申黎州蠻牂牁使入朝

舊唐書本紀案黎州即

高宗顯慶三年及盤州內附之黎州民國貴州通志云新唐書作黎州隸戎府

興仁縣補志

卷二

二十七

憲宗元和二年牂牁南詔並朝貢夏五月詔黔南遣將

押領牂牁等使

舊唐書本紀

元和三年疑二年五月勅自今已後委黔南觀察使差

本道軍將充押領牂牁昆明等使

舊唐書南蠻傳

四年正月牂牁遣使來朝是月遣中使魏德和領其使

並賫國信物降璽書賜其王焉

舊唐書南蠻傳此為牂牁稱王首見者

閏月閏三己酉以旱禁嶺南黔中福建掠良民為奴婢

者

舊唐書本紀

上以久旱欲降德音翰林學士李絳白居易上言以為欲令實惠及人無如減其租稅又言宮人驅使之

餘其數猶廣事宜省費物貴徇情又請禁諸道橫斂以充進奉禁掠賣皆如二人之請己未雨絳表賀曰乃知憂先於事故能無憂事至而憂無救於事舊唐書李

絳傳

八年牂牁蠻上表請盡歸牂牁故地新唐書南蠻傳

昆明東九百里即牂牁國也兵數出侵地數千里元

和八年上表請盡歸牂牁故地新唐書南蠻傳牂州諸夷雜

處其部落有七曰盧鹿蠻者即今羅羅也俗尚鬼號

正祭者為鬼主今猶謂居普里即今數出兵侵牂牁

地為羅甸國元和八年上表請盡歸牂牁地嘉靖貴州通志

興仁縣補志

卷二

民國貴州通志云按牂州武德三年開置盧鹿蠻時居普里稱羅甸國本為牂州諸夷之一顧出侵牂州地至數千里今乃求附請盡歸前所侵牂州諸地也史混稱牂牁蠻牂牁國請歸牂牁地致不知所侵者為何地所歸者又為何地康輿各志都未覈

案牂牁國至此始漸明元和四年以信物降靈賜

牂牁王已見前六年正月帝御麟德殿對南詔渤

海牂牁等使賜宴有差見冊府元龜本年又有牂

牁遣使朝貢之文見新唐書本紀因不勝錄附此

備考

禁黔中等道不得以口饋遺

房瑄孫啟為桂管觀察使州邸以賂請有司飛驛送

詔既而憲宗自遣宦人持詔賜啟啟畏使者邀重餉
即曰先五日已得詔使者給請視因馳歸以聞啟自
陳獻使者南口十五帝怒殺宦人貶啟虔州長史死
始詔五管福建黔中道不得以口饋遺博易罷臘口
等使新唐書

十一年十二月牂牁遣使來賀正舊唐書

穆宗長慶元年定黔中邕管容管安南等合九十七州

不申戶賬舊唐書本紀

二年黔中蠻叛西川節度使段文昌諭却之

段文昌素洽蜀人之情以寬政為治嚴靜有斷蠻夷

興仁縣補志 卷二

畏服長慶二年雲南入寇新唐書南蠻傳黔中觀察

使崔元畧上言朝廷憂之乃詔文昌禦備文昌走一

介之使以喻之蠻寇即退舊唐書

春正月以用兵河朔叛亂權停嶺南黔中今年選補舊唐書本紀

敬宗寶歷元年牂牁遣謝良震來朝舊唐書南蠻傳

文宗太和七年以比年用兵雨雪嶺南五管及黔中等

道選補宜權停一二年舊唐書本紀

開成元年鬼主阿珮內附新唐書南蠻傳

武宗會昌二年牂牁遣使入朝舊唐書本紀封牂牁別帥

為羅殿王世襲爵新唐書南蠻傳

自曲州靖州西南昆川曲軌晉寧喻獻安寧距龍和
城通謂之西爨白蠻自彌鹿升麻二川南至步頭謂
之東爨烏蠻

唐書兩爨蠻傳 阮賜卿爨龍顏碑叙
云今曲靖已在雲南皆二爨之苗裔也

西爨國南寧之渠帥梁時通焉自云本河東安邑人
七葉祖事晉為南寧太守屬中國亂遂王蠻夷梁元
帝時南寧州刺史徐文盛徵詣荊州有爨瓚者遂據
南寧州地延袤二千餘里俗多華風有震翫統其衆

太平寰
宇記

唐武德元年復置南寧州四年置總管府七年改為
都督貞觀六年罷都督置刺史八年改南寧為郎州

興仁縣補志

卷二

三十

舊唐書
地理志 爨蠻之西有徒莫祗蠻儉望蠻貞觀廿三年

內屬以其地為傍望覽丘求五州隸郎州都督府白
水蠻地與青蛉弄棟接郎州亦隸弄棟西有大渤弄
小渤弄二川蠻其西與黃瓜葉榆西洱河接其衆完
富與蜀埒無酋長喜相仇怨永徽初大渤弄楊承顛
私署將帥寇麻州都督任懷玉招之不聽高宗以左
領軍將軍趙孝祖為郎州道行軍總管與懷玉討之
至羅侯山其酋禿磨蒲與大鬼主都干以衆塞箐口
孝祖大破之夷人尚鬼謂主祭者為鬼主每歲戶出
一牛或一羊就其家祭之送鬼迎鬼必有兵因以復

仇云

新唐書南蠻傳

文宗開成元年鬼主阿珮內屬會昌中

封其別帥為羅殿王世襲爵其後又封別帥為滇王

皆牂牁蠻也

新唐書南蠻傳

案新舊唐書南蠻傳於牂牁謝氏趙氏及所謂牂
牁國牂牁別帥其叙序頗混後此方志對於牂牁
別帥之所謂羅殿王者亦有異說以今考之牂牁
國應總謝氏之牂莊充應矩琰六州及西趙之明
州未受唐封前而言其初治在牂州即新唐書所
謂昆明東九百里即牂牁國是也謝趙前已有考
其牂牁別帥封羅殿王者無姓名然前六年有內

興仁縣補志

卷二

三十一

屬之鬼主阿珮又前二十二年有請歸牂牁侵地
之牂牁蠻而羅殿王固與別封滇王之別帥同號
牂牁蠻見新唐書南蠻傳此三十年中羅殿日盛
之迹史既有徵其封王距趙國珍之卒至七十年
之久其稱別帥又非如牂牁別部之充州謝氏有
名可稽之首領又稱鬼主而無姓與謝趙二氏迥
殊其非謝趙之族可知太平寰宇記之稱西蠻新
唐書之叙郎州鬼主地既近而事極類應一可參
証也惟新唐書南蠻傳所稱東蠻烏蠻七部落為
一阿茅路二阿猛三夔山四暴蠻五盧鹿六磨彌

歛七勿鄧興義府志稱羅殿為暴蠻未指確據或不如嘉靖貴州通志稱為盧鹿羅之較早而信耳已引見元和八年又稱鬼主居普里或當可信惟請歸牂牁故地條羅甸國之稱羅殿即見於元史與明一統志者其事雖在唐後而其書均在嘉靖志以前附貴陽府志云水趙入是否先後移居仍須續考西安氏其先曰濟火本姓羅氏建寧郡人家有部曲諸葛武侯令世長征也濟火率部曲助征且糧以濟軍武侯世長其部曲梁武帝太清之亂蠻亦呼昆明蠻羅氏世屬保之為蠻蠻又號為烏蠻亦呼昆明蠻羅氏世屬保氏已而蠻氏漸衰羅氏東保竹子嶺故亦號為蠻別為盧鹿部盧鹿者羅之韓演也西南俗尚鬼歲時必合聚部落以祭鬼推其雄長者為鬼主唐武宗會昌中羅氏鬼主阿珮內附封為羅殿王世襲

興仁縣補志

卷二

爵羅殿亦作羅甸即今貞豐之羅番甲後又封其別帥為滇王旋改普寧王元之普里即其地今安順舊州是也普寧蠻語演為普露靜後唐明宗天成二年昆明大鬼主羅殿王普露靜王九部落一本書沿革九部落一阿字路居曲州靖州故地二阿猛三夔山四暴蠻五盧鹿蠻二部落分保竹子嶺六磨彌斂七勿鄧外併有武龍訓州二部一各遣使者附牂牁以來五代之末改羅殿王為順化王普寧王為奉化王宋初仍之而蠻俗稱王為王子又別自分王子弟亦稱王子

六年春正月牂牁昆明等國遣使入朝舊唐書本紀

宣宗大中十三年冬十一月南詔僭號寇陷播州通鑑綱目

初韋臯開清溪道以通羣蠻使入貢又選羣蠻子弟聚之成都教以書數以羈縻之既而軍府厭於稟給又蠻使入貢利於賜與所從傭人浸多杜棕奏減其

數南詔豐祐怒入貢不時頗擾邊境豐祐死子酋龍立朝廷以名近玄宗諱遂不行冊禮酋龍乃自稱皇帝改國號大禮遣兵陷播州同僖宗乾符初太原人楊端乃應募領兵復之世為明州刺史明史

懿宗咸通十二年定黔中所奏州縣官及大將管内官即任準舊例處分舊唐書本紀

昭宗大順元年賜黔州觀察使號武泰軍節度使表方鎮

先是文德元年夏四月荆南節度使王建肇為歸州刺史郭禹所逐奔黔州自是詔以禹為荆南節度使

建肇為武泰軍節度使據通鑑建肇據黔州亦襲藩鎮積習

興仁縣補志 卷二

朝廷命官不得赴鎮蓋自是而後唐廷威令不復及黔中矣

乾寧三年夏四月黔南觀察使王肇以其地降於王建詳牂諸州不通中國蠻酋分據其地自置為刺史乾隆

貴州通志

唐季之亂蠻酋分據其地自置為刺史宋史諸蠻傳

通志云案黔地附蜀嘉靖通志及康熙通志均書在

大順二年考史大順二年乃建始得成都之日非肇

畏侵附蜀之時肇為武泰節度則武泰領土之入蜀

與否自當以肇之已否降附為斷况世家文明言以

其地降時肇黔州見奪於趙武所以者非思播等九

州及五十羈縻而何一考太平寰宇記云天寶元年

改黔州為黔中郿依舊都督施夷思播費溱珍南九

州又領充明勞義福捷邦琰清莊我蠻祥鼓儒琳鸞

令那暉郝總敦侯冕柯樊稜添普寧功亮茂龍延訓

卿整懸撫水矩思源逸殷南平勳姜襲等五十州本

州考異作五十三州皆竊糜寄治山谷乾元元年復
以黔中郡為黔州都督府自大順元年改為武泰軍
節度天復三年後偽蜀割據移黔南就涪州為行府
以道路僻遠就近也皇朝因之至太平興國三年
因延火燒彝公署五年却歸黔州差衙前權所仍轄黔內
思南費漆夷播六州只從黔州置理所知云據
此是武泰節度所領與黔中全同至宋初猶然
不特五代時如此也各志始以宋史溪峒傳牂牁
郡地條有唐末王建入成都遂誤以建據西川語又諸
書武泰入蜀之年也至貴陽府志沿革疑牂牁不通
為武泰入蜀之年也至貴陽府志沿革疑牂牁不通
中國在天復三年其說亦誤蓋乾寧三年史既明云
以地附建天復三年王宗武所取為夔忠施萬夔忠
萬時隸荆南施雖武泰領土之一然與牂牁無闕一
隸黔中道一施兩漢南郡地魏施州清化郡地隋唐同
乾志建置說為是又王肇諸書或作肇一前蜀世家
乾隆通志等一或作建肇一通鑑紀事本末貴陽府
志等一未知孰是武泰節度一前蜀世家一據上錄太平
通志一或作黔南節度一前蜀世家一據上錄太平

興仁縣補志

卷二

寰宇記說一改武泰在大順元年清一統志
方輿紀要說同一當以稱武泰節度為得

五代

梁太祖開平元年四月前為唐九月詔定奉使諸道住

期黔桂許二十日民國貴州通志

九月辛丑敕以近年文武官諸道奉使皆于所在分
外停住踰年涉歲未聞歸闕非惟勞費州郡抑且侮
慢國經臣節既虧憲章安在自今後兩浙福建廣州
安南邕容等道使到發許住一月湖南洪鄂黔桂許

住二十日舊五代史本紀案是年蜀王

後唐莊宗同光三年滅蜀得黔渝等六十四州康熙貴州通志

民國貴州通志云通鑑作得節度十註即武德武
信永平武泰鎮江山南武定天雄武興昭武州六十
四云據歐史職方考前蜀所有只黔涪
渝瀘等五十三州是武泰此時入後唐

明宗天成二年八月乙酉牂牁使宋朝化及昆明使者
來新五代史

羅殿王普露靜王九部落各遣使者來使者號若土
附牂牁以來牂牁蠻首領姓謝氏其名見於唐至天

成二年嘗一至其使者曰清州八郡刺史宋朝化冠
帶如中國貢草豆蔻二萬個朱砂五百兩蠟二百斤

新五代史舊五代史作八月乙酉昆明大鬼主一
職方典無此五字一羅殿王普露靜王九部落各差
使隨牂牁清州八郡刺史宋朝化等一百五十
三人來朝進方物各賜官告繒綵銀器放還蕃

興仁縣補志

卷二

長興元年冬孟知祥以崔善權武泰留後

唐兩川節度使董璋孟知祥連兵反冬十月知祥以
故蜀鎮江節度使張武為峽路行營招收討伐使十

一月戊辰張武至渝州遣先鋒將朱偓分兵趣黔涪
朱偓將至涪州武泰節度使楊漢賓棄黔南奔忠州

知祥以成都支使崔善權武泰留後通鑑紀事本末
民國貴州通

晉高祖天福八年十二月南寧蠻附於楚

十二月寧州酋長莫彥殊以所部温那等十八州附
於楚寧州即唐之南寧州天寶末沒
於蠻唐末復置寧州於清溪鎮其州無官府惟

志云此事殆即諸書所謂孟知祥據西川牂牁復不
通中國時貴陽府志沿革謂在清泰元年誤

立牌於岡阜畧以恩威羈縻而已通鑑云案弘治貴州
州圖經新志云晉天福五年都雲酋長尹懷昌率其
十部王希範又貴陽府志沿革云通鑑晉天福四年黔南
巡內溪州刺史彭士愁引獎錦州蠻寇辰澧州遣使
乞師於蜀蜀主不許明其時尚附蜀故為攻伐以悅
蜀也楚遣劉勅劉士明等破士愁士愁降於勅於是
南寧州酋長莫彥殊率其本部十八州都雲酋長尹
懷昌率其昆明等十二部七州皆附於馬氏見五代史記楚世家天福五年事
也是時牂牁諸羈縻州又盡屬楚矣又其土司志云
南寧者本在今之曲靖府唐末東徙於清溪鎮始在
今定番州南蓋相距千里矣云查通鑑書彥殊始在
降在八年而嘉靖通志作五年五年乃舊史敘述士
愁降附之時新史以懷昌等事連記於下者謂降附
之因由此非謂降附之時同此也時日通鑑必別有
據不知嘉靖通志何本通鑑只書彥殊而不及懷昌
萬濬康熙通志則又只書懷昌萬濬而不及彥殊昆
明乃臨蕃落種名見太平寰宇記不載入武泰領域

興仁縣補志

卷二

而貴陽府志乃造為攻伐悅蜀之說以明牂牁之隸
屬恐亦牽強又嘉靖通志及康熙通志有五年羅甸
附楚一事興義府志案語云天福五年羅甸王遙附
於楚王馬希範馬氏亡又附於蜀孟氏蜀封為順化
王註見五代史宋史案五代史不載宋史亦僅有順
化奉化名稱興志殆本康熙通志而託之於史也

案南寧本晉宋以來之建寧唐為郎州其後部族
東徙為羅殿國前此已多可參求通鑑註稱此之
寧州即南寧各志遂逕稱羅甸似欠實證羅甸羅
殿聲既相同前考羅殿依元史及明一統志在省
南一百十五里見貞觀三年西趙來朝條元史又有卧龍番南
寧州安撫司明一統志亦稱在省南一百里是南
寧距羅甸近今通鑑所稱寧州領下之温州待續

考惟那州應在今廣西那地州境內元史地理志思州安撫領
下有地州明史謂即那地而此聞莫氏以彥殊為
州又別有那州在其左近
最早見此後莫氏又以南丹為盛那地南丹均於
今惠水一方為近未知此省南百里之地果即鑑
註所稱之清溪鎮否耳至羅殿王前此無姓此時
之莫彥殊恐非嫡系或為南寧別帥如牂牁謝氏
外有趙宋耳宋初有龍彥瑄俟後再詳興仁此時
是否在南寧十八州中無由質亦姑錄備參考耳